

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Epistolarvm [epistolarum] D. Philippi Melanchthonis  
Farrago**

**Melanchthon, Philipp**

**Basileae, 1565**

**VD16 -M3220**

Reuerendo uiro D.N.N. pastori ecclesiae Dei in oppido Senonum  
Tangermund, fratri suo charissimo

[urn:nbn:de:bsz:31-312770](#)

Sam moribus. Ideo si mihi uel ipse uel alij bellū intulerint, piē & modestē respondebo. Mitto tibi exemplum de controuersia Oslandri, quod uolo te legere ut censorem, & mihi iudicium tuum significare. Oro etiam, ut illustrissimo Electori, & uiro clarissimo D. Agricole & Bottichero exempla des ipsius inscripta. Hac hora literas ex Vraislavia accepi, in quibus scribitur, recens Turcos abduxisse magnam multitudinem hominum in Pannonia. Mater fortiter praelans recepit duos filios: et quamquam dextra ei praecisa est, tamen euasit cum filiis, & rediit in patriā. Bene uale. Die Encoeniorū, que fuerunt 25 Nouembris, qui dicebatur Kisleu, id est, Orionius. Hec uera etymologia est.

Reuerendo uiro D. N.N. pastori Ecclesiae Dei in oppido Senonum Tanagermund, fratri suo charissimo,

*Soli mis 16. p. 377.*

S. D. Reuerende uir, et charissime frater: Cum abessem Lipsie, huc à Senatu Brandenburgensi literae missæ sunt, ut ad N. N. scriberem: ac scripsisse, si affuissem. quanquam literæ nostre gratiores essent, si unā mitteretur responsio de Stancaro: quam nondum absolui, quia editionibus impeditur. Quanquam autem de uolūtate Principis multa cogito: aditus ad eum patent Canoniciis, quorum Physisca

risaica odia nouimus. Aduersatura igitur esse Se-  
natui Brandenburgensi metuo. Sed experiamur sane,  
quid impetrari possit. Si aduersabitur, Goslaria pe-  
tatur. Significabis igitur senatoribus, ut rursus ad  
me nuncium mittant. Bene & feliciter uale. Die  
22 Februarij.

Venerando uiro D. Georgio  
Buchholzer

S. D. Venerande domine Præposite: Gratias a-  
go uobis pro pietate uestra, quam etiam Deo gra-  
tiam esse spero, ut in Psalmo dicitur: Beatus qui in-  
telligit super egenum & pauperem, in die mala li-  
berabit eum Dominus. Intelleximus uicinorum Lu-  
satorum apparatus, & ex alijs. Quæ autem præ-  
dia opponunt prefecti, nescio. Ego Deum æternum  
patrem Domini nostri Iesu Christi oro, ut poenæ  
mitiget. Video enim impendere poenæ. Sed tamen  
Imperator nec patria nec Ecclesiæ bene consuluit,  
moto hoc bello. Nam etiamsi uincet, maiores erunt  
Imperij et Ecclesiæ confusiones: quas utinam Deus  
mitiget. Sum tranquillore animo: quia mihi con-  
cius sum, me in magna cdigine opinioniū ueritatē  
sincero animo quaesiuisse, nec opes nec potentia ue-  
natum esse. Credo etiam Deum exauditurū esse ge-  
mitus nostros. Bene ualete. Nuacio solui, ut in  
charta scripsi, quam huic epistola inserui. Iterum  
ualete, 25 Septembris, Anno 1546.

A 4 Reue-